

S25148

4444

寒溫條辨



文祖正訂寒溫條辨卷四

頭目眩

眩者頭旋眼黑也。傷寒頭眩，多因汗吐下虛，其上焦元氣之所致也。傷寒邪在半表半裏，表中陽虛，故時時頭目眩。葛根湯風家多頭目眩，亦當解肌。葛根湯傷寒論曰：少陽口苦咽乾，目眩，小柴胡湯加天麻、川芎。傷寒論曰：陽明病，但頭眩不惡寒，故能食而咳，其人必咽痛，能食為陽明中風。四逆散加天麻、桔梗，傷寒論曰：太陽傷寒，誤吐誤下後，心下逆滿，氣上衝胸。裏虛氣起則頭眩。表虛陽脈沉緊邪在裏發汗則動經，身為振振搖者。汗則外動經絡傷損陽氣則不能主持諸脈也桂苓甘朮湯以溫經。



益陽或真武湯以實衛止汗按真經云上虛則眩下虛則厥
頭目眩皆屬虛宜溫經補陽之劑吳氏治傷寒汗出過多頭
眩身搖發熱脈虛數人參養榮湯倍人參加天麻少佐酒炒
黃柏二服而愈易老云頭旋眼黑非天麻不能定少佐黃柏
以滋腎水也若血虛頭眩四物湯加人參天麻氣虛頭眩四
君子湯加天麻川芎伏痰頭眩二陳湯加南星白朮天麻川
芎內兼痰火上攻再加酒炒黃芩并瀝薑汁若元氣虛脫者
人參養榮湯大建中湯俱加天麻川芎內傷勞役者補中益
氣湯加天麻川芎惟溫病頭目眩及頭脹頭痛頭汗並目赤
目黃目不明目直視目反折與傷寒治法不同但係雜氣伏

鬱中焦邪熱亢閉上攻頭目乃胃家實也通宜升降散加味
涼膈散清利之頭眩疼量加大黃目眩赤等證量加龍胆草
酒炒

葛根湯方見表證門

小柴胡湯方見裏證門

四逆散少陰病四逆

陽邪傳入少陰手足逆冷

或咳

少陰脈絡肺

或悸

少陰

脈絡心

或小便不利

少陰脈絡膀胱

或腹中痛

少陰脈入小腹

或瀉利

下重者此方加減主之

柴胡

白芍

枳實

熱炒

甘草

炙各等分

爲末白飲調

下三錢

服

咳者加五味子乾薑並主下利

肺與大腸相表



中國醫藥大學圖書館藏

囊上咳下利治相同悸者加桂枝小便不利者加白茯苓腹中痛者加熟附子泄利下重者先以水煎薤白取汁三鍾入此散一兩煎服

此陽邪傳至少陰裏有結熱則陽氣不能交接於四肢故逆而不溫柴胡所以升內陷之陽邪根實所以破內滯之結熱白芍救失位之陰甘草和不調之氣是證也雖曰陽邪在裏慎不可下蓋傷寒以陽爲主四逆有陰進之象若復用苦寒之藥下之則陽亦虧矣是在所忌傷寒論曰諸四逆不可下之謂也然此原爲冬月正傷寒言之若溫病四逆不在此例

按此散本爲邪熱自陽經傳入陰經而發厥傷寒論曰腹中痛者加附子清滌中又加溫補人未有不致疑者竊詳四逆散腹痛加附子與附子瀉心湯義同蓋傷寒以陽爲主熱證固當用蕩滌之法而熱證但兼虛寒又不可不作急救療如附子瀉心湯心下痞滿自宜大黃黃連瀉心湯以導除其熱若惡寒汗出則加附子以回陽又何可緩也故四逆散邪熱傳至陰經而四逆自宜柴胡枳實以清解其熱若兼虛寒遇邪而腹痛則加附子之溫經益陽又何可緩也寒熱各行其性此仲景製方之妙况傷寒始病熱中末傳寒中者極多四逆雖屬陽證已有陰進之象兼以腹痛則其加附子也不亦

宜乎若溫病陽邪亢開格陰於外以致四逆非急下之不爲功若執傷寒之法則誤人矣

桂苓甘朮湯傷寒若吐若下後心下逆滿氣上衝胸起則頭眩脈沉緊發汗則動經身爲振振搖者此飲中留結

外邪之證也此方主之

白茯苓四錢桂枝三錢白朮四錢生甘草炙二錢水煎服

按人身經脈賴津液以滋養吐下津液一傷更汗津液再傷坐令經脈失養身爲振搖此湯滌飲散邪補中益氣則津液四布而經脈得以滋榮矣至久而成痿較此更甚仲景於此湯豈非早已用力乎



眞武湯 方見陰證門

人參養榮湯

治發汗過多身振振搖

汗爲心液汗多則血液枯涸筋肉無以養

故有

此證通治脾肺氣虛榮血不足氣短食少驚悸健忘寢

汗發熱身倦肌瘦色枯毛髮脫落小便赤澀內經曰脾

主轉運散精行津上輪於肺此地氣上升也肺主制節

通調水道下輪膀胱此天氣下降也故名泰脾肺虛則

上下不交而爲否榮血無所藉以化生肺虛故氣短脾

虛故食少心主脈脈屬榮榮虛血少則心失養故悸忘

汗熱肺主皮毛脾主肌肉血虛火旺故瘦骨毛脫肺爲

水之上源金不生水故小便赤澀

白芍

酒炒一錢五分

當歸

一錢

黃芪

蜜炒一錢

人參

一錢

白朮

一錢

茯苓

一錢

陳皮

一錢

甘草

一錢

熟地

一錢

遠志

甘草湯浸去心五分

水煎溫

服陰

虛火

動加

黃柏

知母

各一錢

陽虛

下寒

加炮附子

一錢

心悸

不眠

加酸棗仁

一錢

炒研一錢

倍遠志

四物湯

當歸

三錢酒蒸

熟地

三錢

白芍

酒洗一錢五分

川芎

一錢

水煎溫服

合四君子湯名八珍湯

再加黃芪

肉桂

名十全大補

湯

補氣養血之要藥也

四君子湯

一方去人參加蜜炙黃芪亦名四君子湯



白朮二錢 土炒 白茯苓 二錢 人參 一錢 炙草 一錢 水煎溫服

加半夏 一錢 汁炒 陳皮 一錢 木香 三分 磨汁 砂仁 一錢 丁香 一錢

沙六君子湯補脾養胃之要藥也

二陳湯

半夏 二錢 汁炒 陳皮 一錢 五分 茯苓 一錢 五分 甘草 一錢 生薑 一錢

水煎溫服順氣化痰之總方也

大建中湯 方見頭痛門

補中益氣湯 方見盜汗門

升降散 方見陰證似陽門

加味涼膈散 方見裏證門



咳嗽

咳謂有聲無痰、嗽謂有痰無聲、咳嗽則有聲有痰也。肺主氣，形寒飲冷則傷之，使氣逆而不散，衝擊咽膈，令喉中淫淫如蟬習習如梗而咳嗽也。有寒者有熱者，有停飲者，有在表者，有在裏者，有在半表半裏者，病各不同，治亦有異。如傷寒停飲與表寒相合而咳嗽者，小青龍湯；或金沸草散停飲與裏寒相合而咳嗽者，真武湯；邪熱在半表半裏而咳嗽者，小柴胡湯；加貝母知母、天花粉、肺熱去人參，加沙參。凡陰證手足厥逆而咳嗽者，四逆湯加五味子。若溫病伏熱內鬱咳嗽，白虎湯合升降散，小清涼散加竹葉。若煩悶則加味涼膈散增。

損三黃石膏湯並加桔梗夫咳為肺疾必待發散而後已然
又有不可發散者傷寒論曰咳而小便利不可發汗發汗則
四肢厥逆又曰咳而發汗蹇而苦滿腹中腹堅此為逆也不
知發汗猶為溫病所大忌者豈止小便利亦節乎又咳而脈
數者為心火刑肺金則死

小青龍湯 傷寒脈浮緩表不解風寒在表心下有水氣水飲搏膈嘔

噦發熱而咳水飲上射或渴津液不行或利停飲下溜或噎水寒相擊或小

便不利太陽裏氣不化小腹滿膈水或喘者水飲射肺此方主之

麻黃二錢 桂枝二錢 白芍二錢 半夏二錢 五味子一錢

細辛一錢 乾薑一錢 炙草一錢 水煎溫服若渴者去

半夏加天花粉二錢若微利者去麻黃加茯苓如雞子大若

噎者去麻黃加附子五分若喘者去麻黃加杏仁一枚

若小便不利小腹滿去麻黃加茯苓二錢

柯韻伯曰發熱而咳知內有水氣射肺乾嘔知水氣未入於胃而在心下也心下為火位水火相射則水氣之變幻不可拘如下而不上則或渴或利上而不下則或噎或喘留於腸胃則小便不利而小腹因滿矣惟心下有水氣嘔噦發熱而咳為定證故於桂枝湯中去大棗之泥如麻黃以開腠理細辛逐水氣半夏除嘔噦五味乾薑以除咳若渴者是心火盛故去半夏之燥熱加天花粉以生津若利與噎小便不利與



喘者乃病機偏於向裏故去麻黃之發表加附子以除噎加
羌花茯苓以利水加杏仁以定喘耳兩青龍湯皆治有表裏
證皆用兩解法但大青龍證是裏熱小青龍證是裏寒故發
表之藥相同而治裏之藥則殊也此與五苓散同爲治表不
解而心下有水氣者在五苓治水之畜而不行故大利其水
而微發其汗是水鬱折之也小青龍治水之動而不拘故備
舉辛溫以散水並用酸苦以安肺培其化源也細繹仲景發
表利水諸論精義入神矣

又曰麻黃桂枝大青龍三表證中仲景卽分表裏之不同溫
清之殊治麻黃湯證熱全在表桂枝湯證之自汗大青龍湯

證之煩燥皆兼裏熱於表劑中便加寒藥以清裏自汗是煩
之兆燥是煩之微汗出則煩得泄故不燥桂枝湯加微寒藥
苦之芍藥以和之汗不出則煩不得泄故燥大青龍湯加大
寒堅重之石膏以清之芍與膏本是裏藥今人見仲景於表
劑中入之因疑而畏焉當用不用以致熱結陽明而斑黃狂
亂紛出矣仲景於太陽經中即用石膏以清胃火是預保陽
明之先着用薑棗以培中氣又慮夫轉屬太陰苦心良法有
如此者

又曰桂枝湯爲一百一十三方之冠乃滋陰和陽調理榮衛
解肌發汗之第一方也世人咸謂桂枝止汗不知先輩言無

汗不得用桂枝者、正以桂枝湯中、有芍藥之酸、寒益陰、飲血
能止汗故也、其實芍藥功在止煩、煩止汗亦止、故反煩更煩、
與心悸而煩者、咸賴之、要知桂枝湯治表虛、能解肌以發榮、
中之汗而不能開皮毛之竅、以發衛分之汗、故汗不出、脈浮
緊者、是麻黃湯證、卽不得與桂枝湯矣、庸工妄謂桂枝湯專
治中風、不治傷寒、不知此湯凡中風傷寒、脈浮弱而表不解
者、以及自汗盜汗、虛癰虛痢、柔痙癰_音癰_音、小兒慢驚等證、
皆隨手而效、因知仲景一方、可通百病、後人一證、便集百方、
以眩人、豈不陋哉、

金沸草散

治感冒風寒、咳嗽多痰、頭目昏痛、身熱鼻塞聲

重風熱上壅故生痰作嗽荆芥穗解肌散風前胡清痰降

濕氣半夏燥痰散逆甘草發散緩中細辛溫經祛邪

金沸草去二錢荆芥穗三錢前胡二錢半夏一錢赤茯苓

一錢細辛一錢炙草七分生薑二錢大棗二枚水煎

溫服局方無細辛茯苓有麻黃赤芍熱加柴胡黃芩

痞悶加桔梗枳殼頭痛加川芎白芷

聖繩曰人止知此散治風寒咳嗽及加杏仁五味子治諸咳

嗽皆效獨未知用之治舌腫牙痛辛未有人舌腫滿塞齰藥

不入危甚煎此散乘熱以紙籠熏之遂愈况服之乎三因亦

云一婦人舌腫牙痛口頰皆腫以此散大劑煎湯熏漱而愈